





赤牘清裁上卷目錄

卷之一

奉糜獻楚

晉鮑葵

射糜獻晉

楚潘黨

遺魯君書

臧文仲

上楚王隱書

楚莊姬

移公孫聖記

越王孫駱

遺楚將書

魏將宋石

吳平原君書

秦昭王





與燕丹誓書

秦始皇

治驪山陵上書

李斯

報丞相制書

秦始皇

與張儀蘇秦書

鬼谷子

荅桑轆書

滑子

賜嚴助書

漢武帝

與公孫弘書

東方朔

與摯伯陵書

司馬遷

報司馬子長書

摯伯陵

辭扶風尹書

丘訢

報東海相朱登遺解書

漢張敞

與某公書

與公孫弘

鄒長倩

荅牂柯盛覽書

司馬相如

與段會宗書

谷永

與魏相書

丙吉

上趙后書

趙合德

茂陵郭威書

楊子雲



答桓譚書

揚子雲

賜馮異上書

漢光武

賜侯霸書

漢光武

與王常書

漢光武

勅岑彭書

漢光武

破赤眉與伯升書

漢光武

賜將軍書

漢光武

與侯霸書

嚴子陵

與東平蒼書

漢明帝

賜郡國行春上書

漢章帝

與諸王子書

明德皇后

與馬援書

杜林

與崔子玉書

張平子

徙朔方上書

蔡邕

卷之二

與韓康伯牋

俞益期

答桓範書

管寧

答李膺書

魯爽



遺矯慎書

吳蒼

與劉司空牋

皇甫規

謝趙壹書

皇甫規

報皇甫規書

趙壹

遺馬融書

高彪

與妻書

秦嘉

荅秦嘉書

徐淑

重報妻書

秦嘉

又報嘉書

徐淑

與弟固書

李固

與謝伯世書

馬融

與竇伯尚書

馬融

與諸葛元甫書

崔瑗

荅張奐書

延薦

與陰氏書

張奐

與崔子貞書

張奐

與竇玄書

竇玄妻

韋林甫書

孔融



虞仲翔書

孔融

與宗從弟書

孔融

遺張紘書

孔融

與高文惠書

文惠妻

與孔融書

張紘

卷之三

與杜微書

諸葛孔明

遠涉帖

諸葛孔明

與兄瑾書

諸葛孔明

與蔣琬書

諸葛孔明

與吳王書

諸葛孔明

代諸葛亮與孫權書

馬良

與張魯書

劉璋

與王脩書

曹孟德

與荀彧書

曹操

與楊訓書

崔琰

與劉先生書

魏文帝

與鍾繇書

魏文帝



與孫權書

魏文帝

與朝臣書

魏文帝

賜劉禎書

魏文帝

與吳監書

魏文帝

與曹孟德書

孫權

與諸葛恢書

魏明帝

與鎮北將軍許允書

司馬懿

與諸葛孔明書

司馬仲達

答司馬懿書

魏田豫

與曹昭伯牋

應璩

答東阿王牋

陳琳

答張紘書

陳琳

與臧洪書

陳琳

報龐惠恭書

應璩

與州將牋

應璩

醴梅帖

皇象

與友人論草書帖

皇象

報魏太子書

鍾繇



與安陽書

謝承

與終書

孫仲奇妹

答吳國書

鈕滔母

與從弟孝徵書

鈕滔母

奏記魏公

韋誕

與弟書

虞翻

上魏文帝牋

司空王昶

卷之四

與東宮官書吊王規

司空王昶

與鍾元常書

二景興

與曹孟德書

許靖

謝柰啓

曹子建

省啓帖

晉武帝

答魏舒書

晉武帝

與子貺書

杜預

來東帖

索靖

月儀帖

索靖

面帖

衛恒



與天公牋

晉劉謚之

與弟書

羊祜

與兄書

陸景

與從兄安成王書

陸景

與兄書

陸景

與楊彥明

陸士龍

與陸典書書

陸士龍

謝賜障日書

孫楚

與傅咸書

王濟

與妹憲書

張君平

與褚陶書

張華

斲西帖

張華

微冷帖

晉元帝

答太子

晉元帝

問沐啓

晉明帝

答廣信侯書

晉安王

與王丞相牋

陸琬

子南兖州刺史演書劉琨



國臣書

衛夫人

與袁虎書

郝超

與王茂弘書

王敦

與僚屬書

王敦

與王導書

王敦

與謝公書

習鑿齒

與燕王書

習鑿齒

與謝安書

習鑿齒

卷之五

與支遁書

謝安

臨川帖

謝安

與顏竣書

劉瑒

與弟姊書

謝玄

與兄書

謝玄

又與兄書

謝玄

與人書

王平子

與袁宜都書

桓玄

與桓南郡書

袁宏



與會稽王道子書

桓玄

與庾安西牋

王胡之

與子姪書

雷次宗

答問疾書

王廙

與藉之家書

王廙

與慕容旣書

庾翼

與王導書

陶侃

與殷荊州牋

顧長康

與王逸少書

殷浩

荅殷深源書

王逸少

與殷深源書

右軍

與會稽王牋

右軍

破羌帖

右軍

在荊州與都下人書

庾翼

與羲之書

庾翼

與王羲之書

許玄

安西帖

王右軍

進鎮帖

王右軍



送邛竹杖帖

王右軍

附荅周益州書

王右軍

與謝安石書

王右軍

與謝安石書

王右軍

分甘帖

王羲之

月儀帖

王羲之

與弟虞書

王右軍

問行帖

晉無名氏

與所知帖

王右軍

赤牘清裁上卷目錄終

二



赤牘清裁卷之一

博山人楊慎輯錄

奉糜獻楚

晉鮑葵

以歲之非時獻禽之未至王敢膳諸從者

射糜獻晉

楚潘黨

子有軍事獸人無乃不給於鮮取獻於從者左傳

所載諸國辭命其春容大篇者已贈炙人口若其疋寥數字者肅括而數含質直而耀麗固後世文人罕讀簡尺之濫觴也取此二條以冠卷首

遺魯君書

臧文仲



斂小器投諸台食獵犬組羊裘琴之合甚思之  
滅我羊羊有母食我以桐魚冠纓不足帶有餘  
滅文仲使于齊齊人繫之獄故其書隱語以寄  
魯君也魯君不知而問其母其母解之云云見  
列女傳

### 上楚王隱書

楚莊姬

大魚失水有龍無尾墻欲內也而王不視

王問對

日魚失水離國五百里也龍無尾年三十無太  
子也墻崩不視禍將成而王不視也。按此皆  
叶韻視音以改亦音已。劉細云文仲謬  
書于羊裘楚姬托諷于龍尾指此二事也

### 移公孫聖記

越王孫駱

今日壬午左校司馬王孫駱受教吉東掖門亭

長公孫聖兵王書所覺悟而心中惘惘也如有

悔記到車馳詣姑齊之臺

### 遺楚將書

魏將宋石

二君相當兩旗相望惟母一戰戰必不兩存此  
乃兩主之事也與子無有私怨也善者相避也

### 與平原君書

秦昭王

寡人聞君之高義願與為布衣之交君幸過寡  
人寡人願與君為十日之飲



與燕丹誓書

秦始皇

子欲歸使日再中天雨粟八烏頭白馬生角厨門木象生肉足

治驪山陵上書

秦晉漢儀

李斯

臣所將隸徒七十二萬人治驪山者已深已極鑿之不入燒之不難叩之空空如下天狀

報丞相制書

秦始皇

鑿之不入燒之不然其旁行三百丈乃止

與張儀蘇秦書

鬼谷子

二足下功名赫赫但春華至秋不得久茂今二子好朝露之榮忽長久之功輕喬松之永延貴一旦之浮爵夫女愛不極席男歡不畢輪痛哉

答桑轡書

涓子

吾子來問云有死亡而復有神仙者事兩耶子不知乎言固可兩有耳草木皆春生秋落必矣而有松柏之倫芝英萍實黃精白符竹葉飛火長生不死者何怪乎仙耶

賜嚴助書

漢武帝



君厭其明之慮勞侍從之事懷故土出為郡吏  
會稽東接于海南近諸越北枕大江間者濶焉  
久不聞問具以春秋對母以蘇秦縱橫漢語多  
稱書且問濶聞問之文  
固書簡語也故獨取此

與公孫弘書

東方朔

爵祿不相責以禮同類之遊不以遠近為故東  
門先生居蓬戶空穴之中魏公子一朝以百騎  
造之呂望未嘗與文王同席而坐一朝讓以天  
下半大夫夫相知何必接塵而遊垂髮齊年哉

與摯伯陵書

高士傳

司馬遷

摯峻字伯陵京兆人也與太史令司馬  
遷善隱於阡山遷以書招之

遷聞君子所貴乎道者三太上立德其次立功  
其次立言伏惟伯陵材能絕人高尚其志以善  
厥身冰清玉潔不以細行荷累其名固已貴矣  
然未盡太上之所由也願先生少致意焉

報司馬子長書

摯伯陵

峻聞古之君子料能而行度德而處故悔吝去



于身利不可以虛受名不可以苟得漢興以來  
帝王之道於斯始顯能者見利不肖者自屏此  
其時也周易大君有命小人勿用徒欲偃仰從  
容以送餘齒耳變始終不仕卒于所山所人立  
季直隱于終南通五經百家弟子扶風馬融沛  
國桓麟皆知名融妻即恂女也其後有學虞知  
名于

辭扶風尹書

丘訢

明府欲臣訢耶師訢耶明府所以尊寵人者極  
於功曹所以榮祿人者已於孝廉一極一已皆

訢所不用也

報東海相朱登遺蟹書

漢張敞

遠伯玉受孔氏之賜必以及鄉人敞謹分斯貺  
于三老尊行者曷敢獨享之

與某公書

蒼蠅之飛不過十步自託騏驥之尾乃騰千里  
路然無損於騏驥使蒼蠅絕羣也

與公孫弘

鄒長倩

山川阻備加以風露次卿足下勉作功名竊在



下風以俟嘉譽

答梓柯盛覽書

盛覽字長通梓柯名士

司馬相如

詞賦者合綦組以成文列錦繡而為質一經一緯一宮一商此賦之迹也賦家之心包括宇宙總覽人物斯乃得之于內不可得而傳

與段會宗書

谷永

足下以柔遠之令德復典都護之重職甚休甚休若子之材可優游都城而取卿相何必勒功昆山之側願吾子因循舊貫勿求奇功終更望

還亦足以復鴈門之時萬里之外以身為本願

詳思愚言

與魏相書

丙吉

朝廷深知弱翁行直方且大用願少慎事自重歲器于身不顯其

上趙后書

趙合德

今月佳辰貴姊妹公謹上綵三十五條以

陳踊躍

其日有金手系綸帽。金華紫維面衣

扇。七。茂。燈。香。螺。厄。心。梅。合。衣。李。凡。三。十。五。種。



答茂陵郭威書

揚子雲

爾雅孔門游夏之傳所記以解釋六經者也記  
言史佚教其子以爾雅爾雅者小學也又言孔  
子教魯哀公學爾雅爾雅之出遠矣學者皆云  
周公所記也張仲孝友之類后人所增耳

答桓譚書

揚子雲

長卿賦不似從人間來其神化所至耶大諦能  
讀千賦則能為之諺云伏習衆神巧者不過習  
者之門

賜馮異書

漢光武

始雖垂翅函谷終能奮翼滹池可謂失之東隅  
收之桑榆聞史士精銳水火不避購賞之賜必  
不令將軍負丹青失斷金也

賜侯霸書

漢光武

崇山幽都何可偶黃鉞一下無虞所

與王常書

漢光武

王廷尉良苦每念往時共更艱危何日忘之莫  
往莫來豈違平生之言乎



勅岑彭書

漢光武

西城若下便可將兵南擊蜀虜人心苦不足既平隴復望蜀每一發兵頭頭為白

破赤眉與伯升書

漢光武

交鋒之日神星晨見太白精明

右見東觀漢記

賜將軍書

漢光武

卿歸田里曷不令妻子從將軍老矣夜卧誰為搔背痒也

與侯霸書

嚴子陵

君房足下位至鼎足甚善懷仁負義天下悅阿諛順旨要領絕

與東平蒼書

漢明帝

辭別之後獨坐不樂因就車歸伏軾而吟瞻望永懷實勞我心誦及采葑以增歎息

賜郡國行春璽書

漢章帝

方春所過無得有所伐車可以引避引避之駢馬可輟解輟解之

與諸王子書

明德皇后



吾前過濯龍門見外家問起居車如流水馬如  
遊龍亦不加譴怒但絕其歲用冀以嘿止謹耳

與馬援書

杜林

將軍內施九族外有賓客望恩者多林父子食  
祿祿常出有餘今奉錢五萬

與崔子玉書

張平子

乃者朝賀明日讀太玄經玄四百歲其興乎端  
力精思以揆其義使人難論陰陽之事足下累  
世論道極微子孫必命世不絕且輟寫一通藏

之待能者

徒胡方上書

蔡邕

既到徒所乘塞守烽職在望候憂怖焦灼無心  
復能操筆成草致章闕庭

赤牘清裁卷之一



赤牘清裁卷之二

博南山人楊慎輯錄

與韓康伯牋

俞益期

檳榔信南遊之可觀子既非常木亦特奇大者  
三圍高者九丈葉聚樹端房樓葉下華秀房中  
子結房外其擢穗似黍其綴實似穀其皮似桐  
而厚其節似竹而概其內空其外勁其屈如覆  
虹其申如繩繩本不大末不小上不傾下不斜  
稠直亭亭千百若一步其林則寥朗庇其蔭則



蕭條信可以長吟可以遠想矣性不耐霜不得  
北植必當遐樹海南遼然萬里弗遇長者之目  
自令人恨深

答恒範書

管寧

乾道輔誠誕膺嘉祚應受多福為國蕃維雖分  
陝之任未足比盛遠近望何慶如之昔值險阻  
越竄海表於裔慰紀風網不紀既蒙國恩還踐  
舊土薄祚多難恒為疾愧使區區展之無階泛  
愛遇隆遠辱綸墨降尊誘卑訓諭過泰見得思  
義抱以蹶蹶不勝來願裁因答辱

貽李膺書

荀爽

久廢過庭不聞善誘陟岵瞻望惟日為歲知以  
直道不容於時悅山樂水家子陽城道近路夷  
當即聘問無狀嬰疾關於所仰頃聞上帝震怒  
貶黜鼎臣人鬼同謀以為天子當貞觀二五利  
見大人不謂夷之初旦明而未融虹蜺揚輝弃  
和取同方今天地氣閉大人休否智者見險投  
以遠害雖匱人望內合私願想甚欣然不為恨



也願怡神無事偃息衡門任其飛沉與時抑揚

遺矯慎書

吳筠

仲彥足下勤處隱約雖乘雲行泥棲宿不同每  
有西風何嘗不歎蓋聞黃老之言乘虛入冥巖  
身遁跡亦有理國養人施於為政至如登山絕  
迹神不著其證人不覩其驗吾從先生欲其可  
者於意何如昔伊尹不懷道以待堯舜之君方  
今明明四海開闢巢許無為箕山夷齊悔入首  
陽足下審能騎龍弄鳳翔嬉雲間者亦非狐兔

燕雀所敢謀也

與劉司空牋

皇甫規

明公至德佐國憂世雖贈兩梁冠及鮐魚一雙  
服厚尊既榮施其弘

謝趙壹書

皇甫規

企德懷風虛心委質為日久矣側聞仁者愍其  
區區冀承清誨以釋遙懷今旦外白有一尉兩  
計吏不道屈尊門下更啓乃知已去如印綬可  
投夜豈待旦惟君明叡平其夙心寧當慢傲加



於所天事在悖惑不足具責儻可原察追備前  
好則何福如之謹遣主簿奉書下筆氣結汗流  
竟趾

報皇甫規書

趙壹

仰高希驥歷年滋多旋轉兼道渴於言侍沐浴  
晨興昧旦守門實望仁兄昭其懸遲豈悟君子  
自生怠倦是以夙退自引畏使君勞今壹自譴  
而已豈敢有猜遠辱羊筆追路相尋壹之區區  
曷云量已請俟他日乃奉其情輒誦來貺永以

自慰

遺馬融書

高彪

承服風問從來有年故不待介者而謁大君子  
之門冀一見龍光以敘心腹之願不圖遭疾幽  
閉莫啓昔周公旦父文允武九命作相以尹華  
夏猶揮沐吐餐垂接白屋故周道以穰天下歸  
德公養病傲士故其宜也

與妻書

秦嘉

不能養志當給羣使隨俗順時儷俛當去知所



苦故耳未有瘳損想念悒悒勞心無已當涉遠  
路趨走風塵非志所慕慘慘少樂又計往還將  
彌時節念發同怨意有遲遲欲暫相見有所屬  
託今遣車往想必自力

答秦嘉書

徐淑

知屈珪璋應奉歲使榮名王府觀國之光雖失  
高素皓然之業亦是仲尼執鞭之操也自初承  
問心願東還迫疾惟宜抱歉而已日月已盡行  
有伴例想嚴裝已辨發邁在近誰謂宋遠余亦

望之室邇人遐我勞如何深谷逶迤而君是涉  
高山岩岩而君是越斯亦難矣長路悠悠而君  
是踐冰霜慘冽而君是履身非形影何得動而  
輒俱體非比目何得同而不離於是詠萱草之  
喻以消兩家之恩割今者之恨以待將來之歡  
今適樂土優游京邑觀王都之壯麗察天下之  
珍妙得無日玩意移往而不能出耶

重報妻書

秦嘉

車還空反甚失所望兼敘遠別恨恨之情願有



悵然間得此鏡既明且好形觀文彩世所希有  
意甚愛之故以相與并寶釵一雙好香四種素  
琴一張常所自彈也明鏡可以鑑形寶釵可以  
耀首芳香可以馥身素琴可以娛耳

又報嘉書

徐淵

既惠音令兼賜諸物厚碩殷勤出於非望鏡有  
文彩之麗釵有殊異之觀芳香既珍素琴益好  
惠異物於鄙陋割所珍以相賜非豐恩之厚孰  
肯若斯覽鏡執釵情想髣髴操琴詠詩思心成

結勅以芳香馥身喻以明鏡鑒形此言過矣未  
獲我心也昔詩人有飛蓬之感班婕妤有誰榮  
之歎素琴之作當須君歸明鏡之鑒當待君還  
未覩光儀則寶釵不列也未侍帷帳則芳香不

發也

謝又與嘉書云分奉金錯梳一枚可  
以盛書水琉璃梳一枚可以服藥酒

與弟固書

李固

固今年有五十有七鬢髮已白所謂容身而游  
滿腹而去周觀天下獨未見益州耳昔嚴夫子  
嘗言經有五涉其四州有九遊其八欲類此子



矣

與謝伯世書

馬融

頃憤憤愁思猶不解懷思在竹間放狗逐麋晚  
秋涉冬大蒼出櫳黃棘下兔毫以乾葵以送餘  
日茲樂而已

與竇伯尚書

馬融

孟陵奴來賜書見手跡歡喜何量次於面也書  
雖兩紙紙八行七字七八五十六字百一十二  
言耳

與諸葛元甫書

崔瑗

今遣奉書錢千為贄并送許子十卷貧不及素  
但以紙耳

答張奐書

延篤

惟別二年夢想言念何日有違伯英來惠盈四  
紙讀之三復喜不可言

與陰氏書

張奐

舊念既密文章燦爛名實相副來讀周旋紙弊  
墨渝不離於手



與崔子貞書

張奐

僕到任有見兵二百馬如殺羊子如鍊錐盾如榆葉

與竇玄書

竇玄妻

棄妻斥女敬白竇生卑賤鄙陋不如貴人妾日以遠彼日以親何所控訴仰呼蒼天悲哉竇生衣不厭新人不厭故悲不可忍怨不可去彼獨何人而居我處

與韋林甫書

孔融

前別意恨甚多不悉幸從事至承獲所訊喜而起居不恙而到也僻疾動不得復與足下岸幘廣坐舉杯相杓以為邑邑前日元將來雅度弘毅昨仲將來開敏薦成不意雙珠近出老蚌甚珍貴之遣書通心

答虞仲翔書

孔融

曩聞延陵之理樂今觀吾君之治易知東南之美非但會稽之竹箭梁丘以卦筮寧世劉向以洪範昭名想當來翔追蹤前烈相見乃盡不復



多陳

與宗從弟書

孔融

知晚節豫學既美大弟困而能寤又合先君加我之義豈惟仁弟實承之凡我宗族猶或賴焉

遺張紘書

孔融

前勞手筆多篆書每舉篇見字欣然獨笑如復覩其人也

與高文惠書

文惠妻

今奉織成襪一量願著之動與福并

與孔融書

張紘

虞仲翔前頗為論者所侵美玉琕磨益光不足以損

赤牘清裁卷之二



赤牘濟裁卷之三

博南山人楊慎輯錄

與杜微書

諸葛孔明

服聞德行饑渴歷時清濁異流無緣咨覲

遠涉帖

諸葛孔明

師徒遠涉道路甚艱自及褒斜幸皆無恙使還

馳此不復具

與兄瑾書

諸葛孔明

殷往嗣名禮秀才之僑居者也東吳菰蘆中



乃有奇偉如此人

與蔣琬書

諸葛孔明

孝起前為吾說正方腹中有鱗甲鄉黨以為不  
可近吾謂鱗甲者但不當犯之耳不圖復有蘇

張之事也

孝起陳震字  
正方李嚴字

與吳王書

諸葛孔明

所送白牂薄少重見辭謝益以增慙

代諸葛亮與孫權書

馬良

寡君遣掾馬良通聘繼好以紹昆吾豕韋之勳

其人吉士荆楚之令鮮於造次之華而有克終  
之美願降心有納以慰將命

與張魯書

劉璋

靈仙養命猶節松霞而享身嗜味奚能尚道

與王修書

曹孟德

軍師之職閑於司金至于監功重于軍師恐旁  
人淺見以蠡測海畫蛇添足張甲李乙有此空  
聲冒實滌龜亂耳亦庶鍾期不失聽

與荀彧書

曹操



自錢志才亡後莫可與計事者汝穎固多奇士誰可以繼

與楊訓書

崔琰

省表事佳耳時乎時乎會當有變

曹公進爵為王訓表稱頌

琰戒之曹公見之遂殺琰疑其異已也○詳琰之意蓋欲姑徐徐云耳非異標也琰之死其不

辛與苟或同

與劉先生書

魏文帝

獲累紙之命兼美人貶他既備善雙鈎尤妙前後之惠非賢兄之貢則執事之遺也來若川流

聚成山積其充篋填府者固已無數矣

與鍾繇書

魏文帝

歲往月來忽復九月九日九為陽數而日月並應俗嘉其名以為宜於長久故以享宴高會是月律中無射言群木庶草無有射地而生惟芳菊紛然獨菲非夫含乾坤之純和體芬芳之淑氣孰能如此故屈平悲冉冉之將老思餐秋菊之落英輔體延年莫斯之貴謹奉一束以助彭祖之術



與孫權書

魏文帝

前使于禁郭及所遺吾織驪馬本欲使禁自致之念將軍倘欲速得令故以付徐奉此二馬朕之所常自乘調良善走數萬匹之極選者乘之真可樂也中國雖饒馬其知名絕足亦時有之耳

與朝臣書

魏文帝

江表惟長沙名有好米何如此新城稷稻邪上風炊之五里聞香

賜劉禎書

魏文帝

物因人爲貴故在賤者之手不御至尊之側今雖取之勿嫌其不及也

與吳監書

魏文帝

中國珍果甚多蒲桃當其末夏涉秋尚有餘暑醉酒宿醒掩露而食甘而不銷脆而不酸冷而不寒味厚汁多除煩解倦釀以爲酒甘於麴蘖善醉而易醒道之固已流瑛咽露况親食之南方有橘醋正裂人牙時有甜耳他方之果寧有



匹者劉孝標送橘啓云南中極甘青鳥所食始  
薄而味珍脉不粘膚食不留滓其踰萍實冷亞  
冰壺可以熏神可以茗鮮可以漬蜜邑鄉之果  
寧有此耶○此啓似爲  
南橘解朝故附之此

與曹子孟德書

孫權

春水方生公宜速去

與諸葛恢書

魏明帝

人送犀導小物耳然是情發於中而寄乎物

與鎮北將軍許允書

司馬懿

鎮北雖少而事都典一方念足下震華鼓建朱

節立本州此所謂著述書行也

與諸葛孔明書

司馬仲達

黃公衡黃權快士也每歎述足下不去口實

答司馬懿書

魏田豫

年過七十而以居位譬如鍾鳴漏盡而夜行不  
休是罪人也

與曹昭伯牋

應璩

空城寒廓所聞者悲風所見者烏雀損書及遠

若從雲墜



答東阿王牋

陳琳

清辭妙句炎絕煥景譬猶飛兔越山龍騁  
追况駕馬可得而齊足哉

答張紘書

陳琳

自僕在河北與天下隔此相率以於文章易為  
雄伯故使僕受此過差之譴非其實也今景興  
在此足下與子布在彼所謂小巫見大巫神氣  
盡矣

與臧洪書

陳琳

隔關相思發於寤寐宰相去步武之間耳而以  
趨舍異規不得相見其為愴恨可為心哉

報龐惠恭書

應瑒

過意賜書辭不半紙慰藉輕於繒縞譏望重於  
丘山是角弓之詩所以為刺也

與州將牋

應瑒

誨命欲求佳別駕自頃諸府大開搜延路廣海  
罔遺蚌山無逸璞歸數日卧思得一八陳國有  
袁琇字惠瑛者才識可以經於治亂棲時可以



勸厲後進享服所聞而未嘗接顏交言也又宗  
令文早有名輩相與通家門素所具抑亦其次

醴梅帖

皇象

歸想必醉令醴梅羹以相待

與友人論草書帖

皇象

欲見草書宜得精毫毫筆委曲宛轉不叛散者  
紙當得滑密不粘汚者墨又須多膠糾黝者如  
逸豫之餘手調適而心佳娛可以小展

報魏太子書

鍾繇

昔忝近任并得用珎尚方者老頗識舊物名其  
符采必得處所以為執事有珍此者是以鄙之  
未奉貢幸而訂意實以悅懌在昔和氏殷勤忠  
篤而繇待命足懷愧恥

與步騭書

謝承

所在近北無他異物裁奉虎頭綬囊可以服之

臨終書

孫仲奇妹

鏡與粉盤與即香奩與若欲其行身如明鏡純  
如粉譽如香



答吳國書

鈕滔母

胡桃本生西羌外剛樸內柔甘質如古賢欲以  
奉貢

與從弟孝徵書

鈕滔母

省爾譏我以養鵠乃戒以衛懿滅斃之禍斯言  
惑矣吾未之取衛懿之好氏無役車之載鵠有  
乘軒之飾禍敗之由由乎人所若乃開圃之於  
靈囿沃池矩乎神沼文魚躍於白水素鳥翔乎  
神洲豈非周文之德大雅所脩哉大嘉肴旨酒  
非不美也夏禹盛以陶豆殷紂貯以玉盃而此  
聖以興彼愚以滅蓋置之失所如其無失來難  
可施乎

奏記魏公

韋誕

蔡邕自矜能書兼明斯喜之法非得純素不妄  
下筆且欲善其事必先利其器用張芝筆左伯  
紙及臣墨兼此三具又得臣手然後可以盡徑  
丈之勢方寸之言

與弟書

虞翻



長子容當爲求婦遠求小姓足使生子天其福  
人不在貴族芝草無根醴泉無源

上魏文帝牋

司空王昶

昔與南陽宗世林共爲東宮官屬世林少得好  
名州里瞻敬及其年老汲汲自厲恐見廢棄時  
人咸共笑之若天假其壽不爲此公婆婆之事

右書辭古而寄况深所謂退不標跡也見晉書  
述傳引

赤牘清裁卷之三

赤牘清裁卷之四

博南山人楊慎輯錄

與東宮官書吊王規

司空王昶

王威明風韻迥上神峯標映千里絕跡百尺無  
枝實俊人也一爾過隙永歸長夜金刀掩芒長

淮絕澗

杜少陵詩淮海維揚  
一俊人本此書語

與鍾元常書

王景興

朗白近聞室人孫氏歸或曰大歸也共經憂樂  
既久矣曷爲一旦離析以至於歸而不反乎不



得面談裁書敘心

與曹子孟德書

許靖

許靖白鴛怯偷生自竄荆蠻縣心北風欲行靡  
由漂泊風波絕糧茹草欲歸死闕庭而荆州水  
陸無津交部驛使斷絕益州復有峻防仰企光  
靈何由假翼自致哉

謝柰啓

曹子建

柰以夏熟今則冬生物以非時為珍思以絕日

為厚

明帝詔答曰此柰從涼州來

省啓帖

晉武帝

省啓知既下須防具具揚州寒到有者比尚擬  
之動靜更啓也數遣信還

答魏舒書

晉武帝

可散愁養氣更增滋味仍給陽燧四望牕戶車  
庶出人觀望或足散憂也

與子貺書

杜預

知洪頗欲念學令同還車致副書可案錄受之  
當別置一宅中勿復以借人



來東帖

索靖

七月廿六日具書靖白雖數相聞不解勞苦信具得云宅及計來東言展有期索靖白

月儀帖 二首

索靖

山川路限不能翻飛登彼崇丘道遙長望延佇莫及思積情疲不勝眷然之感裁復具書不悉雲漢之路龍驤天府忘此反信飛沉壹殊何緣言憐所與爲時節寶光儀

面帖

衛恒

一日有恨知問未面爲歎欲七日去耶恒白

與天公牋

晉劉謐之

體戰身噤脫衣凍坐賴公借袍南岳送火

與弟書

羊祜

既定戎事當角巾東路歸故里爲容棺之墟以白士而居重位何能不以盛滿受責乎二疏是吾師也

與兄書

陸景

自尋外役出入二年緣兄之篤睦必時存之寶



錄尤書積之盈筭不得新命無以自慰時輒溫  
故以釋其私有信勿忘數字每見兄書如復暫  
面

與從元安成王書

陸景

仰承發止已次新林三湘奧區九疑形勝加以  
夏石竒雲秋江迥月翰飛紙落理豐辭富賞未  
興餘時希逮憶睽離方遠川塗脩曠炎涼方改  
願加珍勗綠字可得白雲終開心傷淚灑投筆  
無宣

與兄書

陸景

向訣不知所言追惟銜恨恨結宵懷懷此戀恨  
何時可言望路則尚近別已千里其爲思結纏  
在心膺於是離折路人悲之况處此戚無之懿  
好情之感咽何時可勝念兄始出旣當勞思嚴  
寒向隆經塗輒軻旣宜保德爲世作資厚自珍  
愛

與楊彥明

陸士龍

雲白欽明去書不悉彥先來得書爲慰時去在



華歲行復盡悲此推移終然何及漸已欲熱想  
自如常悠悠守限良談朱日眇然東望思以叙  
至及反憤罔不多行矣愛德往來相聞

與陸典書書

陸士龍

雲再拜自曠但爾已復經時限至長路惟親未  
期陰近晨風傾匡結言來誨綢繆篤眷彌隆誦  
玩千周以當侍會靜言莫瞻翹翹仰慕大人汎  
愛在我允弘每時情傷往來信理自更繼情如  
有信唯不玉音

謝賜障日書

孫楚

大恩賜障日其器雖小而禮遇甚弘昔衛綰賜  
六劍珍而不用楚雖不敏且受而藏

與傅咸書

王濟

江海之流混混故能成其深廣也天下大器非  
可稍了而相觀每事欲了生子癡了官事官事  
未易了也了事正作癡復爲快耳

與妹憲書

張君平

念諸里舍皆富財賄桂襦襲蔽紛華照耀於是



之際想汝懷愧右見婦人集太平御覽引

與褚陶書

張華

二陸龍躍於江漢彥先鳳鳴於朝陽自此以來嘗恐南金已盡而復得之於吾子故知延州之德不孤淵岱之寶不盡

斲西帖

張華

得書為慰僕諸瘡疾已甚斲西卧歸還乃悉此將念反不具張華呈

微冷帖

晉元帝

忽中秋但有遠懷便微冷恒何如此殊不能作惟勿得慰抱念及不多

答太子

晉元帝

去垢甚佳身不極也

問沐啓

商芸小說

晉明帝

沐伏久勞極不審尊體何如

答廣信侯書

晉安王

仰承縱賞山中遊心人外往而忘返有會昔言牽物從務無由獨往仰此高蹤寸心如結



與王丞相牋

陸琬

昨食酪小過通夜忝頓民雖吳人幾為傖鬼

與兄子南兖州刺史演書

劉琨

前得安州乾薑一斤桂一斤黃芩一斤皆所須也吾體中清悶常仰直茶可信信置之

與國臣書

衛夫人

先公名謚未顯無異凡人每恠一國蔑然無言

春秋之失其咎安在悲憤感慨故以示意名標字茂

倚晉汝陰太守李矩妻李充之母

與袁虎書

郝超

殷子思求良朋託好足下勿以開美求之世目袁為

開美由此故子敬詩曰袁生開美度○劉孝標曰此語疑勸袁勿友殷自襲其美

與王茂私書

王敦

世彥識器理致清隱明潤堪為保器且是楊侯

准之子位望絕為陵遲卿亦足與之處楊朗字世彥

與僚屬書

王敦

昔王輔嗣吐金聲於中朝衛玠今復王振於江表不意永嘉之中復聞正始之音阿平若在當



復絕倒

與王導書

王敦

温太真別來幾日作如此事當募人生致之自

拔其舌觀敦與導書如此敦之逆謀導豈不知

千古漏網之賊也其得美名者于孫貴盛則從

桓文却鑿曰若以敦為桓文則先帝為幽厲耶

與謝公書

習鑿齒

每省家舅目檀溪念崔杜之交未嘗不撫乘跣

躄悒悵終日矣

與燕王書

習鑿齒

山下有紅藍足下先知不北方人採取其花染

緋黃採取其上英鮮者作胭脂婦人採將用為

顏色吾少時再三過見胭脂今日始親紅藍後

當足致兵種匈奴名妻作關氏今可音烟支想

足下先亦不作此讀漢書也

與謝安書

習鑿齒

來此見釋道安故是遠勝足下不同日而見其

亦每言思得一叙按出三藏記載習鑿齒與謝安書云來此是釋道安故是



遠勝非常道士師徒數百齊講不倦無變化技  
術可以感常人之耳目無重感之勢可以整群  
小之參差而師徒肅肅自愧其多洋洋濟濟乃  
是吾由來所未見其人理懷簡衷多所博涉內  
外群書略皆遍觀陰陽算數亦皆能通佛經故  
最是所長作義乃似法蘭法社輩統以大無不  
肯稍齊物等智在方中馳騁也恨不使  
足下見之其亦每言思得見也

赤牘清裁卷之四

赤牘清裁卷之五

博南山人楊慎輯錄

與支遁書

謝安

思君日積計辰傾遲知欲還刻自治甚以悵然  
人生如寄耳頃風流得意之事殆為都盡終日  
戚戚觸事惆悵唯遲君來以晤言消之一日當  
千載耳此多山縣間靜差可養疾事不異刻而  
醫藥不同必思此緣副其積想也

臨川帖

謝安



奈何奈何臨川樓閣

與顏峻書

劉摛

牢脩之三代叛兵也一朝居青油幕下作謝宣

明面孔向人

與弟姊書

謝玄

此二日東行遊步園中已極有在家湖行模也

姊想觸此亦小有可散

與兄書

謝玄

居家大都無所為。正以垂綸為事。足以永日。北

固山下大有鱸魚一出手釣得四十九枚

又與兄書

謝玄

昨日䟽成後出手所獲魚以為二坵鮓今奉送

與人書

王平子

兒微澄風氣日上足散人懷

與袁宜都書


桓玄

論卿歌賦序詠音聲皆有清味然以嘯為髮髯

有限不足以致幽旨將未至耶夫契神之音既

長多瞻而通其致苟一音足以究清和之極





原件短缺

3-4



隨今之言不動蘇門之聽而微一鼓玄默爲之  
解頽若人之興逸響惟深也哉

答桓南郡書

袁崧

嘯有清淨之美而無控引之深歌窮測根之致  
用之彌覺其遠至矣吐辭送意曲究其奧豈唇  
吻之切發一往之清冷哉若夫阮公之嘯蘇門  
之和蓋感其一奇何爲微此一致大疑嘯歌所  
拘邪

與會稽王道子書

桓玄

吾素志無廊廟王丞相欲內吾誓不許之手跡  
猶存由來尚矣不於足下參政而方進退自兒  
婚女嫁便懷尚子平之志數與親知言之非一  
日也

與殷深源書

殷北伐既敗復謀  
再舉右軍止之

右軍

以區區江左所營綜如此天下寒心久矣自寇  
亂以來處內外之任者疲竭根本各從所志竟  
無一功可論一事可紀任其事者豈得辭四海



之責哉若猶以所事為未上復求之於分外字  
宜雖廣何所自容

與會稽王牋

右軍

今雖有可欣之令旨內求諸已而所憂乃重於所  
欣以區區吳越經緯天下十分之九不亡何待  
願令諸軍皆還保淮涇根本勢舉謀之未晚

三書及王畧帖逸少經清之才卓矣

破羌帖

陶穀家藏又名王畧帖

右軍

知虞帥云桓公以至洛即摧破羌賊重命想必

擒之王略始及舊都使人悲慨深此公威略實  
著自當求之於古真可以戰使人歎息知仁祖  
小差此慰可言適范生如其語無異故須後問

為定今以書示君

黃伯思跋云晉穆帝永和十年秋桓溫破姚襄于伊水

遂至洛時將以謝尚鎮之屬病不行所云桓公  
摧破羌賊及仁祖小差正當時事也是時逸少  
去會稽內史已歲餘矣遊跡山小間宜不復以  
世務經懷而此書乃歎宣武之威畧悲舊都之  
始平憂國嗟時志猶不息惜其一憤遠引使才  
猷約結弗於世獨區區遺翰見實後人覽之  
深為興歎

在荊州與都下人書

庾翼



小兒輩賤家雞愛野雉皆學逸少書須吾下當此之

與羲之書

庾翼字稚恭

吾昔有伯英章草十紙過江亡失常歎妙迹永絕忽見足下答家兄書煥若神明頓還舊觀初不服右軍故有野雉之言及見右軍與庾亮書乃深服之猶吳道玄之於張僧繇宋思陵之於吳傳也

與王羲之書

許玄字遠游

自山陰至臨安多有金堂玉室仙人芝草在元

放之徒漢末諸得道者皆在焉東坡詩備容逸

嵇康求石髓用此事也

安西帖 二首

王右軍

何想安西以至能數面不或云頓歷陽爾邪無

緣同為歎遲知問安西瘦翼也

一昨得安西六日書無他無所知說故不復付

送讓都督表亦復常言耳

進鎮帖

王右軍

稚恭遂進鎮東西齊舉想剋定有期也稚恭更安西字



也○黃伯思云秦庚翼鎮荊州以石虎表請北伐康帝及朝士皆遣使譬止孫翼之此舉朝論弗以爲然故逸少以爲常言及聞其遷襄陽乃云克定有期則始雖同衆而終以爲當亦猶趙充國之計罕羗初是也者十首中十五最後十八有詔詰前言不便者十而茂一統之功此志士所爲嗟既也○三帖見今萃爲一此帖有關於江左國事不若右軍此帖謂字史亦可也

送印竹杖帖

王右軍

周益州送此印竹杖卿尊長或須今送

附答周益州書

王右軍

去夏足下致印竹杖皆呈此土人多有尊老者皆即分布令知足下遠惠之至

與謝安石書

王右軍

復與君此章草所得極不爲少而筆至惡殊不稱意

與謝安石書

王右軍

坐而獲逸遂其宿心比常與安石東游山海願養閒暇之餘欲與親故時共歡宴銜盃引滿語田里所行故以爲撫掌之資其爲得意可勝言



耶常依依陸賈班嗣之虞世老夫志願盡於此也

分甘帖

王羲之

諸君子孫遊觀有一味甘剖而分之以娛目前

月儀帖

王羲之

日往月來元正首度太簇告辰微陽始布聲無

不宜和神養素

與弟虞書

王右軍

弟書遂不減吾

問行帖

晉無名氏

天氣且未佳汝定成行否寒食近得且住為佳

耳此帖或以為真卿書非也乃真卿寫晉人帖辭耳或以為右軍帖亦無練器故標以無名

氏附右軍帖尾云○宋辛稼軒詞官遊吾倦矣王人留我住道明日是落花寒食得且住為佳

耳晉人之語一入聲律其妙如此

與所知帖

王右軍

子敬飛白大有直書苑云王子敬好書觸遇造玄嘗日戲此館取帚掃沾泥

汁中以書壁作方丈一字曉發極有好勢右軍見而嘆其美問誰所作答曰七郎右軍於

是作書與所知云云○父稱子字亦晉人然



赤牘清裁卷之五

卷之五



